



Sa limba sarda: raighina de unu pòpulu e de sa cultura sua.

A printzìpios de s'annu 2026 torrant a cumintzare sas atividades de sos Isportellos de Limba Sarda cun su progetu "Creschimus in Limba", chi at retzidu s'aprovatzione e su finanziamentu de sa Regione Autònoma de Sardigna pro mèdiu de sa L.482/99 e sa L.R. 22/2018 gràtzias a su bandu TuLis, annualidade 2025-2027. Su progetu presentadu dae su Comune de Padru, comente ente cabu-fila at a interessare s'unione subra comunale chi aunit sos comunes de Alà, Belchidda, Uddusò, Monte, Òschiri e apuntu Padru. Comente amus nadu, su progetu est istadu presentadu dae su Comune de Padru, in fatu a s'aprovatzione de totus sos àteros sindigos de su territòriu chi ant retzidu cun piàghere sa proposta de su Sindigu de Padru Antonello Idini. Tocat de nàrrere chi in custos annos sos sindigos e sas amministrazione de custos 6 comunes sunt semper istados atentos a dare valore a sa Limba Sarda, ponzende aficu in propostas e traballos de promotzione e de amparu.

Su progetu at a èssere contivizadu dae s'Istitutu Chircas e bidet in prima linia operadores chi ant s'obietivu de diventare unu puntu de riferimentu linguìsticu pro aziendas, assòtzios, tzitadinos, amministraziones pùblicas, ma mescamente pro sas istitutzione scolàsticas e pro sos giòvanos.

Dende importu a sa risposta retzida in custos annos dae sas istitutzione scolàsticas, s'isportellu linguìsticu cheret dare vida a unu progetu chi contivizet sos ligàmenes intre a sas diversas generatziones, gràtzias a atividades educative e culturales, promovende un'iscàmbiu de connoschèntzias e de esperièntzias tra giòvanos e mannos, arricchende s'ambiente sotziale e culturale de totu su territòriu. Sas atividades ponent in mesu fintzas sas bibliotecas e sas ludotecas, logos in ue si podent contare istòrias e esperièntzias, fraighende unu patrimoniu comune de ammentos e de connoschèntzias, cun laboratòrios pro zente de ogni edade.

De importu mannu at a èssere s'afortimentu de sa comunicatzione esterna pro fàghere a manera chi totu sa comunidade potat leare parte a su progetu, gràtzias a collaboratziones cun emittentes e quotidianos pro interessare sa zente pius manna e impitende in manera istratègica sos "social" pro intrare a pare cun sa parte pius giòvana e dinàmica de sa comunidade. Custu progetu non cheret ebbia afortiare sos ligàmenes intre a sas generatziones, ma diat chèrrere fraigare una comunidade pius unida e abbista chi tenzat contu de sas raighinas culturales suas, formende un'ambiente in ue ogni persone, giòvana o manna, si potat intèndere avalorada e parte ativa de sa sotziedade.

Sos operadores de isportellu linguìsticu de s'Istitutu Chircas Emilio Canu, Francesco Pitta e Salvatore Canu sunt a disponimentu pro tradutziones, consulèntzias, dimandas e assistèntzia pro cale si siat traballu, progetu, chistione o curiosidade subra a sa limba e a sa cultura sarda e chi ant a èssere disponibili in sas dies e in sos oràrios chi sighint:

Alà – Lunis dae sas 09:00 a sas 11:00 in sa Biblioteca Comunale Giovanna Scanu, o fintzas pro telèfono a sos nùmeros 079724027 o 3662474725

Belchidda – Lunis dae sas 09:00 a sas 11:00 in sa Biblioteca Comunale, o fintzas pro telèfono a sos nùmeros 079 704586 o 3488629268

Uddusò – Chenàbura dae sas 08:30 a sas 10:30 in s'Ufitziu Turìsticu, o fintzas pro telèfono a sos nùmeros 3488629268 o 0795610038

Monte – Martis dae sas 09:00 a sas 11:00 in su Comune, o fintzas pro telèfono a sos nùmeros 3488629268 o 0789478213

Oschiri – Martis dae sas 09:00 a sas 11:00 in su Comune, o fintzas pro telèfono a su nùmeru 3662474725

Padru – Chenàbura dae sas 09:00 a sas 11:00 in sa Biblioteca Comunale, o fintzas pro telèfono a sos nùmeros 078945982 o 3662474725

Chie at bisonzu de preguntare carchi cosa a sos operadores podet finas iscrìere una mail a s'indiritzu monteacutuinlimba@gmail.com o imbiare unu messàgiu a sa pàgina Facebook "*Isportellos de Limba Sarda – Istitutu Chircas*".

A parte sas atividades de s'isportellu, ant a èssere ativados fintzas sos cursos de formatzione de Limba Sarda (unu pro onzi comune interessadu) chi ant a bènnere publitzizados cun atentzione in antis de ogni s'ingulu incomintzu uffiziale. Sos cursos sunt abertos a totu sa populatzione, dende sa possibilitade a totus sos interessados e a totus sos appassionati de crèschere e mezorare sas cumpetèntzias linguìsticas issoro, siat pro cantu pertocat sas modalidades de iscritura e siat pro cantu pertocat sa possibilitade de mezorare sa manera de faeddare ma finas pro arrichire su vocabulàriu issoro.

Pro cantu pertocat sas atividades culturales e de promotzione linguìstica, bida sa resèssida in su progetu passadu, si pensat chi siat cosa bona cussa de sighire cun su Cuncursu de Poesia destinadu a sos Istitutos Iscolàsticos de su Monte Acuto. Sighende su caminu de s'annu passadu, fintzas ocannu s'at a chircare de pònnere in mesu de sas atividades non solu sos istudentes ma fintzas sas famìlias issoro, chi gràtzias a intervistas, contos e ammentos los ant a agiuare pro su fràigu de sas poesias acumpanze-nde-los a intro de temas istòricos o culturales pro mèdiu de una visione noa e moderna.

Duncas, 24 meses de atividades chi ant a àere in comune sa limba Sarda e chi ant a bìdere in su ruolu de protagonista sas comunidades interessadas dae su progetu.

*Traballu a cura de s' Isportellu linguìsticu de Padru
Progetu "Creschimus in Limba" – annualidade 2025/2027 – Bandu TuLis
Finanziadu dae sa RAS cun sa L. 482/99 e sa L.R 22/2018*